



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Ephemerologivm Ecclesiastio-Rubricisticum Novum**

**Halden, Johann Baptist**

**Brixinæ, 1717**

Titulus IV. De Dominica II. post Epiphaniam.

**urn:nbn:de:hbz:466:1-39937**

munibus, seu suffragijs communi-  
bus Sanctorum, in fine Laudum ac  
Vesperarum præponitur Comemora-  
tio de Cruce, posita ad finem Lau-  
dum feriae II. quæ Commemoratio  
de Cruce fit etiam in feriali officio  
tunc, quando Preces feriales non di-  
cuntur.

Resumitur quoque tunc *Missa*  
*Dominica præcedentis*, attamen sine  
*Gl. & Cr. Orat. 2.* usque ad Purifica-  
tionem: *DEUS, qui salutis aterne*  
*&c.* nisi ratione *Mensis*, aut *Feriae*  
2. dicendum sit *Fidelium* (tunc enim  
hoc dicitur 2. dō seu penultimō locō,  
3. tō autem *DEUS qui salutis &c.*)  
3. tō *Ecclesie tue*, &c. vel *DEUS om-*  
*nium Fidelium &c.* pro Papa: Post  
Purificationem verò Oratio 2. est à  
*cunctis*. 3. ad libit. nisi rursus ratio-  
ne *Mensis* aut *Feriae 2. dā* dicenda sit  
locō 2. Oratio *Fidelium* & 3. à *Cunctis*.  
In fine Missæ: *Benedicamus &c.* Col.  
Virid.

Porro in prædictis Ferijs inde fit  
de Feria, ubi desinit Officium præ-  
cedentis Diei, ita, ut, si præcedente

Die fuerit *Duplex*, vel *Semiduplex*,  
Officium Feriæ incipiat sequenti Die  
à Marutino; si autem præcedenti Die  
fuerit *Festum Simplex*, de Feria fiat  
à Vesperis illius præcedentis Diei in-  
clusivè: terminatur verò Officium de  
Feria, subsequente post eam *duplici*  
vel *semiduplici*, ad *NONAM*; subse-  
quente verò Festo simplici, de quo  
fieri debeat cras Officium, ad Capi-  
tulum Vesperarum; quia inde fit de  
de Festo simplici, absque ulla deinceps  
Comemoratione Feriæ, si quod  
sequatur; si nullum sequatur Fe-  
stum, nec cras faciendum sit de *B.*  
*Maria* in Sabb. habet Feria currens  
suas quoque Vesperas, ut in Psalterio.

Ad MATUTINUM Officij Ferialis  
unum tantum dicitur *Nocturnum*,  
cum 12. *Psalmis*, secundum ordinem  
Ferialium in Psalterio, & cum 3.  
*Lectioibus*, ac totidem Responsorijs,  
uti in PROPRIO de Tempore, & infra  
in Tit. de Ferijs. Quando autem, &  
quomodo dicendum sit Officium de  
*S. Maria* in Sabbato, dictum est supra  
Tit. præced.

## TITULUS IV.

### De Dominica II. post Epiphaniam.

**D**E DOMINICA II. post *Epipha-*  
*niam* semper fit Officium  
ante *Septuagesimam*, & hoc  
(ut Gav. observat) ex du-  
plici causa. Primo, ut ordine histo-

rico servato de Vita Christi legatur  
post ejusdem Baptismum primum  
Miraculum in Cana Galilææ factū,  
antequam quidquam aliud in se-  
quentibus Dominicis de eo narretur,

aut Officium, & Responsorialia Dominicarum post Epiphaniam semel saltem dicantur sub proprio tempore, & non omnino omittantur.

Porro aliter fit de ea Officium tunc, quando Dominica Septuagesimæ venit in Dominica proxima post octavam Epiphaniæ, & aliter tunc, quando in Dominicam illam proximam post octavam Epiphaniæ non cadit ipsa Dominica Septuagesimæ: Nam quando ipsa Septuagesima venit in 1. Dominica post octavam Epiphaniæ, tunc in 1. mo Sabbato post octavam Epiph. Dominica Septuagesimæ præcedente, non impedito Festo 9. Lectionum, aut eò per ejusmodi Festum impeditò, primâ Die post octavam Epiphaniæ, in qua non fit Festum duplex, fit de Dominica II. post Epiphaniam, Ritu tamen solummodo feriali in hunc modum: Officium (translato Festo semiduplici primâ Die post octavam Epiph. occurrente, in primam Diem similiter non impeditam) fit de Feria occurrente, ut in Psalterio, nisi quòd in eo ponantur Responsorialia 1. mi Nocturni Dominicæ II. post Epiphaniam, & locò trium Lectionum de Scriptura occurrente legantur tres Lectiones de Homilia ejusdem Dominicæ II. cum ejus Antiphonâ (versu tamen ad Matutinum & Laudes sumpto ex Feria curr.) ad *Benedictus*, & *Oratione*, nec non cum Commemoratione Festi simplicis ( si quod

die illo occurrat ) sine tamen aliqua de eo Lectione, etiam si alioqui propriam aliquam habeat: resumuntur quoque suffragia consueta, seu Commemorationes communes, quibus omnibus præponitur illa, quæ est de S. Cruce, & ratione Mensis dicitur Officium Defunctorum ut infra: *Missa* quoque dicitur de Dominica 2. post Epiph. attamen sine *Gl.* & *Cr.* Orat. 2. *Fidelium* 3. *DEUS qui salutis æterna* &c. *Col. virid.* Ita Rubric. Breviar. præfixa Dominicæ 1. post Epiph. & adhuc expressius Rubr. Missal. præfixa Dominicæ 2. post Epiphaniam.

Cum verò Rubricæ modò allegatæ dicant, quòd in casu, quo Septuagesima incidit in Dominicam proximam post octavam Epiphaniæ, *Officium*, & *Missa* de Dominica II. post Epiphaniam modò paulò antè relatò dicenda sint vel in Sabbato Dominicam Septuagesimæ proximè præcedente ( uti Romæ, ac alibi observatum anno 1704 ) vel, si Sabbatum illud sit impeditum *Festo 9. Lectionum*, tunc primâ Die post octavam Epiphaniæ, in qua non fit Festum duplex semiduplici in eo occurrente translato in aliam Diem similiter non impeditam ( uti practicum est ab observantibus Rubricas 1693 ) ideo

Petes 1. mò quodnam semiduplex in prædicto casu ( supposito, quod Sabbatum Septuagesimam proximè

ximè antecedens sit impeditum Festo 9. Lectionum) sit transferendū, ut eo die fiat de Dominica II. post Epiphaniam? R. In Ecclesia Universalī, ac ijs in locis, in quibus Festum S. Hilarij est tantum semiduplex, transferendum esse Festum S. Hilarij, non obstante, quòd forte alicubi in eandem diem simul incidat dies infra Octavam; hæc enim juxta dicenda non impedit, quòd minus adhuc eo die in dicto casu fiat de Dominica anticipata, Festo semiduplici translato. In ijs verò Ecclesijs, in quibus Festum S. Hilarij aut est duplex, aut, eò translato, celebratur 14. Jan. Festum SS. NOMINIS JESU, vel aliud particulare Ritu duplici, transferendum esse in dicto casu Festum S. Pauli 1. Eremitæ, nisi & ipsum celebreretur Ritu duplici; tunc enim transferendum foret Festum S. Marcelli pro celebrandâ dictò modò illâ Dominicâ II. Ità enim non tantum docet Gavant: hic Tom. 2. Sect. 6. c. 8. num. 3. (reprehendens hac in parte errorem quorundam Directoriorum sui temporis) sed etiam apertè indicat Rubrica Missalis ultimò recogniti, superius citata. At

Petes 2. Quid agendum, si omnia per Hebdomadam Festa alicubi sint duplicia? R. cum cit. Gavant. num. 4. eo in casu satis esse in Sabbato illius Hebdomadæ facere Commemorationem Dominicæ II.

post Epiph. in Laudibus ac Missa, cum 9. de ead. Lectione, omisis anò illò Responsorijs de Tempore. Verùm ulterius

Petes 3. Quid ibi faciendum in dicto casu, ubi in ea Hebdomada celebratur octava, v. g. Dedicationis Templi, uti fiebat hic Oeniponti anno 1693. quò prima die post octavam Epiphaniæ currebat etiamnum Octava Dedicationis Templi? R. cum eod. Gav. n. 5. fieri tunc adhuc dictò modò debere de Dominica 2. post Epiphaniam prima die post octavam Epiphaniæ, non impedità Festo duplici; Quia enim dies infra octavam non privilegiatam cedit semiduplici, hoc autem, Sabbatò impeditò Festo 9. Lectionum, cedit in nostro casu Officio Dominicæ 2. hinc à fortiori etiam in simili casu cederet ei dies infra talem octavam: omittendæ tamen tunc erunt Preces, & suffragia, ratione Octavæ in Officio; & tam in Officio, quàm in Missa faciendâ erit currentis octavæ Commemoratio, eique etiam subjungenda Commemoratio Festi simplicis, si quod simul eo die occurrat.

Petes denique 4. cum Rubrica Brev. ac Missal. Roma. jam sæpius allegata dicat: Quando Septuagesima venerit in 1. Dominica post octavam Epiph. tunc in 1. mo Sabbato, non impeditò Festò aliquo 9. Lectionum, faciendum esse de Dominica

minica II. post Epiphaniam; si verò Sabbatum illud fuerit impeditum Festo aliquo 9. Lctionum, etiam tantum semiduplex, tunc 1. Die post octavam Epiphaniæ, in qua non sit Festum duplex, de ea esse faciendum, translato Festo semiduplex die illa occurrente in primam aliam diem similiter non impeditam; an, si in Sabbatum illud, de quo hic in Rubrica sit mentio, incidat semiduplex ad Libitum, Sabbatum illud ob semiduplex ad Libitum occurrens censendum sit esse impeditum Officio 9. Lctionum, quò minus in eo Dominica II. post Epiphaniam possit celebrari, sed celebranda sit prima die post octavam Epiphaniæ, Festo duplici non impedita? Morum est hoc dubium anno 1704. quò dies OCTAVA Epiphaniæ (occurrente die 13. Januarij) incidit in Dominicam 2. dam post Epiphaniam, in Dominicam verò proximè sequentem incidit Dominica Septuagesima: quia enim officium ac Missa de Dominica 2. da post Epiphaniam nec fieri poterat in Dominica 2. post Epiphaniam (ob occurrentem in ea diem octavam Epiphaniæ, omne aliud Officium excludentem) nec etiam in Dominica proximè subsequente, ob occurrentem in ea Septuagesimam, ideo dubitarum tunc est, an faciendum de ea esset (Ritu feriali suprà descripro) in 1. mo Sabbato post octavam, non obstante Festo semiduplex ad Li-

B 3

birum ( nempe S. Canuto Rege ac Martyre ) in eo occurrente, an verò 1. die post octavam Epiph. ob incidens in Sabbatum illud Festum semiduplex S. Canuti? Prius placuit Auctoribus Directorij Romani, Vienneſis, Leodiensis, ac Brixinensis &c. Quorum primum Sabbato Dominicam Septuagesimæ immediatè præcedenti sequentia præmittit: post Vesperas diei ( quæ erar decima octava Januarij, incidens in Feriam VI. eò annò ) dicuntur Vesperæ Defunctorum pro 1. ma die Mensis Januarij non impedita, nempe 19. Januarij; cui mox ulterius sequentia præmittit: Hòc annò de S. Canuto Reg. & Mart. nihil sit; quia ponenda est Dominica II. post Epiph. cujus proin sequenti Sabbato Officium ac Missam eò modò ordinar, quò infra P. II. die 19. Januarij referemus. Posterius verò Auctori Directorij Colonienſis, & non nullis alijs est visum, existimantibus in dicto casu de Dominica 2. post Epiphaniam faciendum fuisse 1. die post octavam Epiphaniæ, nempe 14. Januarij translato S. Hilariò, aut, si hæc dies alicubi esset impedita alio speciali Festo duplici ( v. g. SS. Nominis JESU ) tunc die 15. Januarij, translato S. Paulò 1. Eremita in diem aliam proximè non impeditam; idque ob eam rationem; quòd Sabbatum illius Hebdomadæ ipsis visum fuerit fuisse impeditum per Festum semiduplex ( ut ut tantum ad libitum )

S. Ca-

S. Canuti Mart. licet autem horum Sententia probabilis videatur P. Claudio la Croix Tom. IV. L. 4. n. 1269. Ego tamen cum prioribus sentio, ac proinde ꝛ. cum Authore Directorij Romani: In dicto casu de Dominica 2. post Epiphaniam faciendum fuisse (modò suprà descriprò, & infra P. II. die 19. Januarij referendò) illò ipsò Sabbatò, in quod tunc incidit Festum S. Canuti, nempe 19. Jan. cum Commemoratione (sine Lctione) Festi simplicis tunc occurrentis; de S. autem Canuto annò illò nihil fuisse faciendum ibi, ubi, est *semiduplex* tantum *ad libitum*: sed omittendum; idque ob Rationem P. II. die 19. Jan. insinuandam: quòd etiam ex eo viderur confirmari; quòd Sac. Rit. Congreg. id ipsum in simili ferè casu statuerit: cum enim Sac. Rit. Congregationi supplicatum fuisset, ut veller declarare, an, quando certis Communitatibus, aut Ecclesijs, vel Nationibus concessum est de Licentia Sanctæ sedis Apostol. ut semel, aut pluries, per Hebdomadam, vel Mensem recitare ad libitum possint certa quædam Officia, v. g. de Fundatore ordinis, die aliquo Festo duplici vel semiduplici non impedito, an, inquam, id facere etiam possint in Ferijs 4. Temporum, Vigiliarum, Quadragesimæ, ac Adventûs, &c; saltem tunc, quando in ejusmodi concessionibus nulla facta est specialis mentio seu exceptio Dicta-

rum Feriarum, Sac. Rit. Congregatio annò 1706. die 20. Martij Respondit negativè, ac declaravit, ejusmodi Indulta, celebrandi ad libitum certa quædam Officia, non tantum non habere locum in Vigilijs quibuscunque, ac Ferijs majoribus, sed nec in illa feria, in qua secundum Rubricas sit *reponendum Officium Dominicæ*. Atque hæc de modo celebrandi *Dominicam II.* post Epiphaniã tunc, quando *Septuagesima* venit in Dominica proxima post Octavam Epiphaniæ.

Quando autem *Septuagesima* non venit in illa Dominica, quæ proximè sequitur octavam Epiphaniæ, tunc Sabbato 1. mo post octavam Epiphaniæ, nisi in eo occurrat Festum aut Officium 9. Lctionû, dicuntur Vesperæ usque ad Capitulum de Sabbato, ut in Psalterio; à Capitulo autem de Dominica II. post Epiphaniam, uti in eodem Psalterio, exceptâ Oratione propriâ, quæ dicitur, uti notatur in Proprio de Tempore: Si verò Sabbatò illò occurrat Festum semiduplex, aut dies infra octavam, Vesperæ usque ad Capit. dicuntur de illo, à Capitulo vero de Dominica sequente cum Commemoratione præcedentis: Quòd si occurrat dies aliqua infra Octavam, aut cras occurrat Festum simplex, sit etiam de istis Commemoratio ante Commemorationes communes: Si denique Sabbatò illò occurrat Festum,

fit Officium duplex, integræ de isto dicuntur Vesperæ, & Dominicæ crastinæ, hoc est, II. post Epiphaniam, fit tantum Commemoratio, sumendo *Antiphonam & Versiculum* ex Vesperis Sabbati, ut in Psalterio. Crastinum verò Officium fit tunc de eadem Dominica II. post Epiphaniam (nisi cras occurrat Festum duplex, aut dies octava alicujus Festi) dicendo omnia ut in Psalterio de Dominica, exceptis lectionibus Nocturnorum, earumque Responsorij, nec non Antiphonâ ad *Benedictus*, & ad *Magnificat*, ac Oratione propria, quæ omnia dicuntur, uti norantur in Proprio de Tempore Dominicâ II. post Epiphaniam, cum Commemoratione in laudibus ac Missa diei infra octavam, ac Festi simplicis occurrentis; de quo posteriore in Dominicis post Epiphaniam dicitur etiam 9. Lectio in Officio Dominicæ, si propriam habeat. Ad MATUTINUM dicitur Hymnus: *Primo die &c.* Ad LAUDES verò Hymn: *Eternæ Rerum &c.* MISSA dicitur cum *Gloria & Credo*, uti notatur in Missali, Orat. 2. (nisi occurrat Festum simplex) *DEUS, qui salutis æternæ &c.* 3. *Ecclesie*, vel pro *Papa*, prout notantur hâc eâdem Dominica II. post Epiphaniam. dicunturque etiam in reliquis deinceps Dominicis usque ad Purificationem, si de ijs fiat Officium; post Purificationem verò Orat. 2. *A-cunctis* 3. ad libit. nisi occurrat Festum simplex, aut sit Dominica infra octa-

vam; nam si occurrat Festum simplex, Oratio 2. erit de illò 3. *DEUS, qui salutis &c.* & ei correspondens *Postcommunio* terminabitur per Verba: *per eundem Dominum &c.* si verò sit Dominica infra Octavam, Oratio 2. est de Octava, 3. autem non dicitur, ut habet Rubric. Miss. IX. n. 10. Præfat. communis, nisi occurrat Octava habens propriam. In fine ite &c. A die octava Epiphaniæ usque ad Dominicam in Septuagesima exclusivè tam ad Officium, quàm ad Missam de Tempore adhibetur Color viridis, exceptis tamen Dominicis infra octavas occurrentibus: in his enim adhibetur Color octavæ conveniens, etiam ad *Officium & Missam de Tempore.*

Si in Dominica II. post Epiphaniam occurrat Festum duplex, aut dies octava alicujus Festi, fit de illis, cum Commemoratione tamen Dominicæ, in utrisque Vesperis, Laudibus, ac Missa, & in fine hujus legerur Evangelium Dominicæ currentis, de qua etiam dicitur 9. Lectio in Officio. Si simul occurrat Festum simplex, etiã hujus fit Commemoratio in 1. Vesperis, Laudibus, ac Missa, nisi Festum occurrens in tali Dominica sit 1. mæ aut 2. Classis, nam in Festis 1. mæ Classis nulla fit occurrentis Festi simplicis Commemoratio, in Festis autem 2. Classis fit ejus Commemoratio solummodò in Laudibus, ac Missis privatis. Cæterum hîc dicta de  
Domi-

Dominica II. post Epiph. intelligenda etiam sunt suo modo de Dominica III. IV. V. & VI. post Epiphaniam.

Quid verò observandum sit, quando ob Festum 9. Lectionum occurrens in Dominica, habensque in primo Nocturno proprias Lektionen, *Initium* alicujus Libri S. Scripturæ, aut *Responsoria*, in aliqua Dominica primo ponenda, die suo poni non possunt, dicitur sequenti Titulo.

## TITULUS V.

### De Ferijs occurrentibus post Dominicam II. post Epiph. ac deinceps usque ad Dominicam in Septuagesima generatim.

**V**acante die (inquit Gavantus) ab alijs Christi, vel Sanctorum Festis, sit (extra Dominicas) de *Feria*, quod *Officium Domini* est, ut quisque intelligat, se DEO deditum huic uni vacare debere: cum enim horrent Fideles nominare *Hebdomada dies* à Dijs gentium (puta primam diem Solis; secundam diem Luna; tertiam diem Martis; quartam diem Mercurij; quintam diem Jovis; sextam diem Veneris; septimam diem Saturni, aut more Judaico eos à Sabbato primam, secundam &c. Sabbati nuncupare, ideo, acsi Dominica prima *Feria* diceretur, optabant reliquos ab ea dies *Feriam secundam*, *terciam* &c. (retento tantum nomine Sabbati quoad septimum illorum) appellari: cui Fidelium Voto gratificatur S. Sylvester Papa, *Sabbati* & *Dominici* diei Nomine retento, reliquos

*Hebdomadae dies*, *Feriarum* nomine distinctos, ut jam antè in Ecclesia Vocari coeperant, *Ferias* mandavit appellari; quò significatur, quotidie Clericos, abjectâ cæterarum rerum curâ, à rebus alijs feriendo uni DEO prorsus vacare debere, atque adèd *Ferias*, hoc est, *Festum* agere sine fine: quoniam enim victimæ ut plurimum feriebantur *diebus Festivis*, & dies, quò solenne Victimarum Sacrificium fiebat, erat *dies Festus*: inde factum est apud Romanos, ut *dies Festi* dicerentur *Feriae*, vel à *ferendis* Victimis (ut ex Macrobio observat Forestus in Mappa mund. Tom. 2. l. 15. c. 9.) vel à *ferendis* Epulis, ut alij apud Joan. Azor Tom. 2. l. 1. c. 27. conjectant.

Quoties itaque post Octavam Epiphaniæ usque ad Dominicam in Septuagesima occurrit fieri de *Feria*, *Officium* sit totum ut in Psalterio (dicen-